

海靜默山嶽吞煙萬靈振伏拾集群仙天無
氛穢地無秋塵冥慧洞清大量至玄也

元始无量度人上品妙經卷之九

靈寶无量度人上品妙經卷之十 天十

大赤靈文品

道言昔於紫晨天中金碧飛空大明寶土受
元始度人大赤靈文无量上品元始天尊當
說是經周迴十過以召十方始當詣座天真
大神上聖高尊妙行真人太清真王七天列
聖太極玉司左右官屬靈官童子無鞅數眾
乘空而來雲駕飛軒瓊輿瓊輪彤蓋雲影玉
華散輝五色流眩洞耀太空五日夜諸天
道境玄英深輿神網息輪玉標金魁一時停
運天風靜籟虛象凝霄雲藏波湛乾坤洞清
一國地土山川林木緬平一等無復高下土
皆明徹增耀積翠無有異色眾真侍座元始
天尊玄坐空浮五色輝明玉蓮之上說經一
徧諸天大聖同時稱善是時一國男女心悟
太空得道無為說經二徧洞見法身永無漏
塵說經三徧心超妙元通諸法相說經四徧
神慧備足自在飛行說經五徧音辯如流數
揚至道說經六徧返照胎光定息無窮說經
七徧玉闕合氣神宮流珠說經八徧審林轉

影普覆諸天說經九徧萬物發生中無天折
說經十徧天樂浮空雲營霄瑞是時一國是
男是女莫不傾心甘受護度咸得長生
道言是時元始天尊說經一徧東方无極无
量品至真大神無鞅之眾浮空而至說經二
徧南方无極无量品至真大神無鞅之眾浮
空而至說經三徧西方无極无量品至真大
神無鞅之眾浮空而至說經四徧北方无極
无量品至真大神無鞅之眾浮空而至說經
五徧東北无極无量品至真大神無鞅之眾
浮空而至說經六徧東南无極无量品至真
大神無鞅之眾浮空而至說經七徧西南无
極无量品至真大神無鞅之眾浮空而至說
經八徧西北无極无量品至真大神無鞅之
眾浮空而至說經九徧上方无極无量品至
真大神無鞅之眾浮空而至說經十徧下方
无極无量品至真大神無鞅之眾浮空而至
十徧周竟十方十境无極天真大神一時同
至一國男女傾心歸仰來者有如飄雲繇雨
無鞅之眾各各稽首恭禮玉陛言臣所居之

天在種民之上太清大赤玄空之中天中萬象應念即有息念即無莽蕩浩空光明遼廓道界之內九氣聖位超升已盡脫諸緣累一切空想不屬有無思悟永生大赤天中為第三太玄玄界景耀三華之色下安飛輪保鎮天闕恭聞天尊於此太極皇真仙境出示靈文昭垂顯與玄霄之中一切衆生下逮神州无量世界同獲勝果為无量福臣等各運道意佇聽至言上真大法於是元始懸一寶珠大如黍米在空玄之中去地五丈元始登引天真大神上聖高尊妙行真人十方无極至真大神無鞅數衆俱入寶珠之中天人仰看大赤靈文徧見珠內方廣一丈八角垂芒惟見勃勃從珠口中入既入珠口不知所在國人廓散地還平正無復敬陷元始即於寶珠之內說經都竟眾真監度以授於我當此之時喜慶難言法事粗悉諸天復位倏歛之間寂無遺響是時天人遇值經法普得濟度全其本年無有中傷傾土歸仰咸證玄空無想無念無色無聲無故無欲無穢無垢無妄無

私言無華麗口無惡聲齊同慈愛異骨成親國安民豐欣樂太平經始出教一國以道預有至心宗奉禮敬皆得度世道言元始天尊說經中所言並是諸天上帝內名隱韻之音亦是大赤靈文九霄玉宇上真之隱名也非世之常辭列聖已證真仙通玄究微佩服赤文能悉其章誦之十過諸天遙唱萬帝設禮靈文開廓十方化玄一切神靈咸歸至應真道發見群魔東形鬼精滅爽丹宇開生迴屍起死白骨成人至學之士誦之十過則氣超五辰德動三界魔精畏鬼杖滅爽拔度垂死沉淪得升所以爾者學士初解玄空道登大赤欽味靈文體未洞真以制十方德未合上聖威可剋制百魔濟度萬微但超升而已不能洞玄輕誦此章身則被殃供養尊禮門戶興隆世世昌熾與善因緣萬災不干神明護門斯經尊妙獨步王京度人無量為萬道之宗苑苑大範德難可勝道言凡誦是經十過悟解之者道契大赤氣合太清緣想累入一切塵滯應時消盡惟一

玄虛淡然微影明靜瑩微洞觀妙體即為真人諸天齊到德曾萬祖幽魂苦爽皆即受度上升朱官格皆九年受化更生得為貴人而好學至經功滿德就皆得神仙飛升金闕遊宴玉京也上學之士修誦是經悟道證玄登太極宮一切世緣廓然歸虛默契此理開悟虛明永無變滅超度長生皆即受鍊飛升南宮世人受誦未入真靜漸棄有想太空中自生真氣下決凡體則延壽長年後皆得作尸解之道魂神暫滅不經地獄即得返形遊行太空此經微妙普度無窮一切天人莫不受慶无量之福生死蒙惠上天所寶不傳下世至士齋金寶放心盟天而傳輕泄漏慢殃及九祖長役鬼官侍經玉帝玉童玉女各二十四人管衛神文保護受經者身道言正月長齋誦詠是經神風協運薰養萬靈結累解落合真體元為上世亡魂斷地速役度上南宮七月長齋誦詠是經金真激雲混洞招真通靈致仙身得飛升諸天書名黃錄白簡削死上生十月長齋誦詠是經紫雲

鍊形飛颯左理八景三真謁真命神嘯攝虎
 兵為國王帝主君臣父子安鎮國祚保天長
 存世世不絕常為人君安鎮其方民稱太平
 八節之日誦詠是經八景開通五宮洞清身
 入太無體合玄虛得為九宮真人本命之日
 誦詠是經大赤靈文與此相因千變萬化自
 然致真魂神澄正萬氣長存不經苦惱身有
 光明三界侍衛五帝司迎萬神朝禮名書上
 天功滿德就飛升上清

道言行道之日皆當香湯沐浴齋戒入室
 東南叩齒三十二通上聞三十二天心拜
 三十二過閉目靜思身坐蒼赤黃三色雲
 氣之中內外箭冥有青龍白虎朱雀玄武
 獅子白鶴羅列左右日月照明洞煥室內
 項生圓象光映十方如此分明審呪曰
 无上玄元太上道君名出臣身中三五功曹
 左右官使者侍香玉童傳言玉女玉帝直符
 直日香官各三十二人開啓所言今日吉慶
 長齋清堂修行至經无量度人願所啓上徹
 徑御

无上三十二天元始上帝至尊凡前
 引悉三十二過東南誦經

元始无量度人上品妙經

元始洞玄靈寶本章大赤靈文上品玄空无
 量度人太清隱韻離合自然混洞玉文冥寂
 玄通上皇之代神寶化生靈書度命凝炁玄
 空上清之下森列三宮與道合混九光丈人
 冥无大劫變立諸天中聖人大赤之庭真
 人玉輔高玄化仙下統九品開署天官生無
 壽限劫災不登莽蒼浮空下臨眇城一十二
 域八景高清周歷三道變化靈文應念自彰
 大象闡明是為玄梵天中之天三皇洞神太
 極太冥浮絕玉京金華龍山帝一躡景无上
 元靈正元玄氣三境神穹上極无上大羅玉
 清眇眇劫初若亡若存玉華廣庭大有琳房
 金闕瓊樓森羅耀網太霄正氣周徧十方下
 鎮八維分區中央黃老大洞三天化章總氣

天臨軒

冲元保世亨昌中有大赤靈文之神中有南
 極長生之君中有係生青華之尊中有安鎮
 元皇大神中有好生韓君丈人中有赤元太
 一紫極真君中有南昌司生司化耀明玉紀
 玄道尊神迴轍起死无量度人今日校錄諸
 東方无極飛空神王長生大聖无量度人
 南方无極丹耀神王長生大聖无量度人
 西方无極白洞神王長生大聖无量度人
 北方无極紫霄神王長生大聖无量度人
 東北无極八景神王長生大聖无量度人
 東南无極明化神王長生大聖无量度人
 西南无極生道神王長生大聖无量度人
 西北无極氣祖神王長生大聖无量度人
 上方无極靈運神王長生大聖无量度人
 下方无極保鎮神王長生大聖无量度人
 十方至真大化神王飛天度世无量大神並
 乘碧耀瓊膏之車洞陽丹華鳳真素蓋八景
 瓊輪馭九龍汗漫之駕抗朱霞飛生之與建
 命仙之節十華大極前嘯玉誦齊唱後吹泛

唱同音獅子斑麟吟嘯辟邪五緯落塗斗魁
翼辣德壽萬壽浮空而來傾光回駕監真度
生三天大帥元老高尊四極真王九天上靈
執籙把籍齊到帝前隨所應度嚴校諸天大
赤靈文神氣流玄上天府下極幽泉高上
推策太皇寫篇普告三界碧落神鄉星羅之
府北極元綱三垣九道十二通津上解祖考
億劫種親疾除罪薄落滅惡根不得拘留形
合高仙元始符命時刻升遷北都寒池部衛
形魂制魔保舉度品南宮死魂受鍊仙化成
人生身受度劫劫長存隨劫輪轉與天齊年
永度三塗五苦八難超凌三界道遙上清上
清之天帝洞清無色之境梵行

東方八天

惠靈真極天 帝侯通演均
岫靈洞剛天 帝巴光緣
太乙思遊天 帝直歷普疆
皇覺慶宗天 帝顯秘太茫
九變玄黃天 帝都京那無
雲津主成天 帝夢曆錄

高靈濟生天 帝魯常寂梵
靈震八威天 帝育高庚元
南方八天
朱陵契賢天 帝獻念慈薦
丹宇臻微天 帝韓順洞文
上德太宗天 帝默領希
景皇澤龍天 帝蕩會舒氤
玄道通聖天 帝房度炎暉
育神感恩天 帝揚吳令傍
中靈真鑒天 帝秀熏瑤
丹鍊神正天 帝呼甄斬藤
西方八天
瓊真嚴麗天 帝祚梁十孫
奏仙希福隆天 帝鐸華息因
參尾元神天 帝卓趾無辰
大千仁靜天 帝頂空真魂
玄道化儀天 帝師慶祠温
慶陽德廣天 帝肇伯元
威行慶福天 帝巫羗李容
高靈宣智天 帝畢黃并機

正一天師清微弟子洪百堅製作

北方八天
玄靈澄意天 帝了洞微公
寶驛定真天 帝乙安化宜
四明玉龍天 帝昭章北玄
承華望極天 帝抱冲胡捐
寶運洞神濟天 帝越觀詰
霄極啓元靈沖天 帝祖昌明
太無瑩神天 帝鐸柱演邦
凝化絡雲天 帝聆索部嗜
三十二天三十二帝諸天隱諱諸天隱名天
中空洞大赤靈文諸天隱韻太極之音太冥
之尊太空之神玄氣真魔大赤之靈神氣和
合變化太清无量之奧深不可詳敷落靈文
普度天人今日欣慶受度歷關諸天請滅三
惡斬絕地根靈文佩受名列太玄真王監舉
無拘天門東斗生識西斗受命此斗分神南
斗得性中斗意真五官以正青帝玉宇白帝
金文赤帝丹芒黑帝玄晶黃帝成意飛神召
靈青文神王震氣鳴空赤文神王揮伏魔凶
白文神王風火擊衝黑文神王馬蹄開道黃

文神王元化與隆五文神王太赤之雄變化
靈文萬神之宗飛行鼓從總領仙兵魔懼鼓
節遊行太空大明赫奕諸天齊功佩服靈文
嚴攝此鄧神王受命普掃不祥玉兕珍醜金
獸四衝火兵前驅神首仗旛朱鳳流鈴輝電
騰煙雲雷響擊綠齒攫春敢有干試拒過靈
文金鐵前戮威劍後刑屠割鬼莫風火無停
千千截首萬萬戮魂魔無干犯鬼無秋精三
官此鄧明檢邪源不得容隱金馬驛呈普告
無窮萬神咸聽三界五帝列言上清

太清大赤天靈文寶章之篇

萬形主太空出入如
飛龍名空太無體空
無浩難窮三界萬千
劫修忽淪為空大赤
精心象生滅苟取容

心空無二門心盡亦
歸空北如念道真誠
境空無通玄元始三
清是為三妙空大赤
心是為三妙空大赤
此為第三觀玄太
清宮心空見無色玄
影香無蹤自然法
體靈光合神風超登
元境上縹緲為餘中

靈訣

朱書青簡上三元自然為及以東流水
服之役使鬼神坐知長生神仙佩之則
石神稽首所向皆遵悟其旨則得道登
真也

玄氣變鍊真火洞燭九萬九氣變為赤文六
六數滿天元乃成玉樓丹闕飛觀神京昔在
玄胞初龍末康眇眇億劫混沌之中上無其
色下無其淵風行空內積剛為堅堅性為金
金靈流泉泉為白水即受金湖金水凝結化
地生天天上天下無幽無冥無形無影無極
無窮深津太朴遼廓無光大赤靈文運度自
然元始安鎮丹元上篇赤書玉字火鍊龍文
保制劫運使天長存玄氣彌羅萬範開張元
精流演三十二關輪轉無色上入泥丸周回
十方履大踏泉旋斗歷箕回度五常白雲化
液玉露玄霜三十五分總氣上元八景冥合
氣入玄玄中至靈聖母元君沉景紫虛嘯
詠洞音金華合氣流運雲宮玉音化景靈耀
理風太清上化鬱秀八零千和萬合自然成

真真中有神長生大君金闕至玄無英白元
華陽玉妃太乙上真九宮司命桃康合延執
把靈文係命生根上遊上清出入華房八冥
之內細微之中下鎮人身泥丸絳宮中理五
氣混合百神十轉迴靈萬氣齊仙仙道貴生
生氣度人上開八門飛天法輪罪福禁戒宿
命因緣普受開度死魂生身身得受生上聞
諸天諸天之上各有生門中有空洞謠歌之
章真玉靈篇辭參高真

第一玄氣生大赤天飛空之音

赤黑相半 其名曰玄 陰微陽妙
復名太元 浩空無染 本物明白
此此光空 以名自攻 赤黑來居
玄氣乃敷 玄為陰陽 邀未開圖
陰盡則赤 大赤是都 上清之下
種民之上 統十二天 太上之虛
第三氣觀 道境天衢 如兆行道
慾盡影餘 心空未盡 影跡不除
於道未微 為空所拘 故號太清
九仙之庭 絕影去玄 道乃可見

爾幸不知真 徒為樓山林 大亦有靈文
詠之駕騰輪

第二大赤天為太清仙境之章

神氣浩浩 純陽發煙 真火鍊之
赤玉為天 火色未靜 大赤有名
火去真存 家家太清 丹瓊為關
紫雲為庭 我我大赤中 上連玉都京
太上黃錦衣 汎景流金鈴 左命九龍駕
右策轡神虎 風雨來導前 鐘鼓為後部
三界諸天魔 叩首祈真度 陰陽正下埃
萬物由鼓舞 大赤有靈文 高靈威所慕
第三靈天神化真王歌曰
玄氣如破縷 乘風類遊龍 飄飄飛太空
九陽生其中 無然大赤色 屈曲斜方弓
結空乃成宇 靈文體高沖 皇人接紫筆
究與天真同 符書莫萬神 度人功無窮
兆能起心信 佩服仰霄宇 咽服召元氣
玉津自流通 胃地生絳煙 骨節磨青銅
六丁來奉中 變化幽冥宗 嘯歌升太清
神行本無蹤

此三界之上飛空之中真王歌音音參洞章
誦之百徧名度南宮誦之千徧真王保迎萬
徧道備飛升太空過度三界位登仙公有聞
靈音真玉歌形數制地祇侍衛送迎拔出地
戶五苦八難七祖升遷永離泉關魂度神霄
受錄更生是謂无量普度無窮有秘上天文
諸天共所崇泄慢墮地獄禍及七祖翁
道言此二章並是諸天上帝大赤靈文隱秘
之音和天安地懷鎮國家佩服致真却災除
殃上輔道化保民無疆皆是大梵之言非世
上常辭言無韻麗曲無華宛故謂玄奧難可
尋詳上天所寶秘於神霄玉清玉府經室東
藏道君行教應運下傳若有至人齋金寶質
心依舊格告盟王清然後而付焉
道言大赤靈文三氣之宗濟度垂死無所不
成夫天地運度否終日月五星虧盈至聖神
人休否末學之夫疾傷凡有此災同氣皆當
齊心修齋六時行香十徧轉經福德立降消
諸不祥无量之文普度無窮
道言夫末學道淺或仙品未充運應減度身

經太陰臨過之時同學至人為其行香誦經十過以度屍形如法以大赤靈文丹書青素佩之或著心前魂神徑上南宮隨其學功計日而得更生輪轉不惑使得神仙

道言夫天地運終星宿錯度日月失明四時

失度陰陽不調國境有災鬼氣流行瘟疫疫毒兆民死傷師友命過親愛終亡皆當修齋行香誦經夫齋戒誦經功德甚重上消天災保鎮帝王下穰毒害以度兆民生死受賴其福難勝故曰无量普度天人

道言凡有是經能為天地帝主兆民行是功德有災之日發心修齋行香誦經十過皆諸天記名萬神侍衛右別至人剋得為聖君金闕之臣諸天記人功過毫分無失天中真王亦保舉爾身得道者乃當洞明至言也

諸天中大梵隱語无量音 道君撰
元始大赤靈文中篇

東方八天

伊檀抱時 碧泉琪味 洞關岐都
恆竺度回 耀元仙址 殿凝微師

建危猶略 慈叩引機 卓利復充
淵增條約 爰邦趨頻 道錄息微
氣綿玄黃 運冥部方 淨壯韓府
披維履剛

南方八天

精童降曠 七映瓊池 定焚氣馬
了澄玄漪 華貫連液 魄拱神樓
黍瑩濯澤 芒忽闕持 亮豫怒游
謹濟莫常 欽索妙咸 冲逸揚願
紫山太無 信思功宜 問仙晃朗

丹明玉微

西方八天

靜無何為 守神完輝 浩爛疊榮
結化崑緜 道育精傳 溢鳴時誤
天醴自波 玄輝光河 封命錫圖
陰平枝魔 制泉部鋒 馘凶斬秋
文靈教真 護帝金闕 候海聽虛
質誠介膺

北方八天

斗維携丑 理言變仙 實交短赫

氣豐去泉 把珞迎漢 真區隨垣
命蒂九齒 辨驛祠綿 蟾滋合華
斗氏交車 韓司少元 丘資始房
判漫曹令 角新辭歷 月郵杜官

滕明阮光

道言此諸天中大梵隱語无量之音舊文刻書大赤天丹闕之上以司天地之政輔陰陽之化制命萬靈宇皆廣長一文天真皇人昔書其文以為正音有知其音能齋而誦之者諸天皆遣赤天神王下觀其身書其功勤上奏神霄萬神朝禮地祇侍門大勳真王保舉上清道備刻得遊行三界昇入金門此音無所不辟無所不穰無所不度無所不成天真自然之音也故誦之則靈文見空紫雲滿室百神侍軒萬仙朝禮佩之則上帝降策八景登展服之則五藏混交玉精流傳三元歡樂寶氣凝祥體之則神遊太清身御赤氣妙合太無道超萬有分形千億坐在立亡琳琅振響十方肅清河海靜默山嶽吞煙靈魔畏伏招集群仙虛明合玄神化自然冥慧洞清浩

劫無邊也 平

七

元始无量度人上品妙經卷之十

靈寶无量度人上品妙經卷之十一 地一

玉明運度品

道言昔於空碧天中玉霄素明大寶嚴土受元始度人玉明運度无量上品元始天尊當說是經周迴十過以召十方始當詣座天真大神上聖高尊妙行真人無鞅數乘空而來紫霞揚暉綺華舒彩鳳與龍駕雲蓋霓輪蔭景含晶五色洞映煥耀太空九日九夜諸天日月星宿展霞徊耀駐機停網玉璇凝光金衛息運神風靜籟雲收海嶽六氣順明一國地土山川林木緬平一等無復高下土成玉明碧無異色衆真侍座元始天尊玄坐空淨寶華黃金九真鳳氣之座說經一徧諸天大聖同時稱善是時一國男女年壽隆長無有災天說經二徧水騰火降刑害不生說經三徧六氣調平寰區安靜說經四徧天飛妙香徧空淨蓋說經五徧山澤呈瑞玉瑩珠游說經六徧悟生死根神證真境說經七徧欲界種民盡除塵染說經八徧五運均化萬物茂昌說經九徧天光下囑幽府開明說經十

徧普解運度深得法門是時一國是男是女莫不傾心皆受護度咸得長生

道言是時元始天尊說經一徧東方无極无量品玉明運度至真大神無鞅之衆淨空而至說經二徧南方无極无量品玉明運度至真大神無鞅之衆淨空而至說經三徧西方无極无量品玉明運度至真大神無鞅之衆淨空而至說經四徧北方无極无量品玉明運度至真大神無鞅之衆淨空而至說經五徧東北无極无量品玉明運度至真大神無鞅之衆淨空而至說經六徧東南无極无量品玉明運度至真大神無鞅之衆淨空而至說經七徧西南无極无量品玉明運度至真大神無鞅之衆淨空而至說經八徧西北无極无量品玉明運度至真大神無鞅之衆淨空而至說經九徧上方无極无量品玉明運度至真大神無鞅之衆淨空而至說經十徧下方无極无量品玉明運度至真大神無鞅之衆淨空而至十徧周竟十方无極玉明運度天真大神一時同至一國男女傾心歸仰